

Onderhavige motie wordt met 50 stemmen voor  
4 tegen, aangenomen.

Motie 3

Eilandsraadverg. d.d. 30 okt '18

Voorzitter,

Griffie



Griffie ER Bonaire	
Ingek.:	OCT 30 2018
Volnummer:	2018011727
Griffier:	Orv.:

### MOSHON

Konseho Insular reuní den reunion públiko di awe 30 di Òktober 2018.

### KONSIDERANDO KU :

- e tema di pobresa for di kambionan estatal di 10-10 -10 a wòrdu motivá den vários rapòrt o otro dokumentu,
- for di un prinsipio a sinti un resistensia fuerte di parti di Hulanda pa establese un montante ku ta garantisá un entrada ku un hende mester pa e por biba desentementu,
- den un intento serio i determiná Gobièrnu di Boneiru na aña 2014 a duna òrdu na e instituto Nibud pa hasi un estudio,
- apesar ku Boneiru a hasi su tarea i a establese bon kla kiko vários konstelashon di famia mester na entrada pa por biba un bida desentementu, tòg Hulanda a keda ignorá e aspekto tan importante aki,
- na Mei 2015 Konseho Insular unánimamente ta aseptá rapòrt Nibud,
- apesar di e aprobashon aki tòg na Sèptèmber 2016 Kolegio Ehekutivo ta bai di akuerdo pa Hulanda hasi un estudio similar ku esun di Nibud,
- despues di hopi preshon for di tweede kamer porfin e rapòrt di Regio plan a keda kla apesar di e defisiensianan di e rapòrt di Regio plan esaki ta brinda e posibilidat pa stipulá un mínimo sosial pa Boneiru,
- resientemente tantu sekretario di estado van Ark komo Knops a disidí ku stipulashon di un mínimo sosial pa Islanan BES no ta deseabel,
- tweede kamer a sostené e rechazo di un mínimo sosial pa Boneiru,
- Kolegio Ehekutivo di Boneiru den un karta di 5 di Sèptèmber 2018 a urgí gabinete Hlandes pa stipulá un mínimo sosial pa Boneiru,
- Hulanda di un forma intransigente ta keda rechasá un derecho sagrado ku e komunidat Boneriano tin,
- e rechazo aki ta un estorbo pa yega na kalkulashon di entre otro sueldo mínimo, kinderbijslag, penshun di behes, ònderstant i supsidio di hür,

- apesar di e anunsio di algu di alivio pa un grupo relativamente chikitu e benifisionan ku entrante promé di Yanüari 2019 lo dreña na vigor ta muchu leve,
- Konseho Insular ta di opinion ku e forma ku Gabinete Hulandes ta atendiendo ku su responsabilidat di maneho di entrada no ta esun mas adekuá,
- meta di e maneho aki mester ta dirigí riba eradikashon di pobresa na Karibe Hulandes .

TA DISIDI DI :

- sostené i apoyá e karta di 5 di Sèptèmber 2018 , numerá ( 2018008991 ) ku Kolegio Ehekutivo di Entidat Públiko Boneiru a manda pa sekretario di Estado van Ark i Knops titulá : Reactie op ' Onderzoek ijkpunt sociaal minimum Caribisch Nerderland en kabinetsreactie ' .
- gradisí tur ku di un o otro forma a sostené Boneiru su lucha pa yega na stipulashon di un mínimo sosial pa Boneiru .
- hasi un apelashon riba tantu sekretario di Estado van Ark i Knops pero tambe tweede kamer pa rekonsiderá nan rechaso pa stipulá un mínimo sosial a korto plaso pa Islanan BES.

TA PASA PA ORDU DI DIA.

Kralendijk 30 di Oktober 2018 .

Rodun Benkenbo

